

Ո Ր Ո Շ ՈՒ Մ


Վարչական իրավախախտման գործով գանգատն առանց բավարարման, իսկ որոշումն անփոփոխ թողնելու մասին

29.06.2016թ.

ք.Երևան

Ճանապարհային ոստիկանության պետի պաշտոնակատար, ոստիկանության գնդապետ Ե.Կարապետյանս, վերանայելով Արսեն Օրդուխանյանի դիմումը, 2016թ. ստեղծված նյութերը՝

Պ Ա Ր Ձ Ե Ց Ի



2016թ. հունիսի 22-ին Երևան քաղաքի Դեմիրճյան փողոցի 17ա շենքի 8 բնակարանի բնակիչ Ա.Օրդուխանյանը դիմում է հասցեագրել այն մասին, որ 25.05.2016թ. ժամը 20.00-ի սահմաններում իրեն կանգնեցրել է ճանապարհային ոստիկանության տեսուչը և բջջային հեռախոսից բարձրախոսի միջոցով օգտվելու համար կազմել է ԱԹ թիվ 806582 արձանագրությունը, որի հետ համաձայն չէ և խնդրել է այն ճանաչել անվավեր: Դիմումատուն նշել է նաև, որ տեսուչից պահանջել է իրեն ցուցադրել խախտման տեսանյութը, սակայն վերջինս հրաժարվել է, ինչից հետո Ա.Օրդուխանյանն արձանագրության մեջ նշել է, որ համաձայն չէ խախտման հետ:

Դիմումի ուսումնասիրությամբ պարզվել է, որ 2016թ. մայիսի 25-ին ժամը 20.00-ին Երևան քաղաքի Պուշկինի փողոցում Ա.Օրդուխանյանի կողմից վարած «Աուդի» մակնիշի 44 ՕԾ 444 հաշվառման համարանիշի ավտոմոբիլը կանգնեցվել է ճանապարհային ոստիկանության ճՊԾ 1-ին սպայական գումարտակի 4-րդ սպայական դասակի տեսուչներ ոստիկանության կապիտան Ա.Սախյանի և ոստիկանության ավագ լեյտենանտ Գ.Սարգսյանի կողմից ճԵԱԱՄՕ-ի խախտման համար, այն է՝ վարորդն ավտոմոբիլը վարելիս օգտվել է բջջային հեռախոսակապից ձեռքի օգնությամբ: Վարորդի նկատմամբ համաձայն Վարչական իրավախախտումների վերաբերյալ ՀՀ օրենսգրքի 124 հոդվածի 11-րդ մասի կայացվել է 5.000 դրամ տուգանելու մասին ԱԹ թիվ 806582 որոշումը:

Ըստ տեսուչների գրավոր բացատրությունների՝ իրավախախտումը նկատելուց հետո ավտոմոբիլը սահմանված կարգով կանգնեցվել է, տեսուչ Սախյանը մոտեցել է վարորդին, ներկայացել, հայտնել իրավախախտման բնույթը և փաստաթղթերը ստուգելուց հետո կազմել համապատասխան արձանագրություն: Մինչ արձանագրություն կազմելը վարորդը պահանջել է իրեն ցուցադրել իրավախախտման տեսագրությունը, սակայն տեսուչ Սախյանը նրան հայտնել է, որ տվյալ իրավախախտումը տեխնիկապես հնարավոր չէ տեսագրել և դա ակնհայտ հայտնաբերված իրավախախտում է: Վարորդը նշել է իր անհամաձայնությունն արձանագրության մեջ, հրաժարվել է ստորագրել և ստանալ որոշման իր օրինակը: Ինչ վերաբերվում է այն հարցին, որ վարորդը երթևեկելիս օգտվել է բջջային հեռախոսակապից բարձրախոսի օգնությամբ, ապա տեսուչներն իրենց գրավոր բացատրությամբ հայտնել են, որ դա չի համապատասխանում իրականությանը, քանի որ իրենց համար պարզ տեսանելի է եղել, որ վարորդը երթևեկելիս օգտվում է բջջային հեռախոսակապից ձախ ձեռքի օգնությամբ: Բջջային հեռախոսը ձախ ականջին դրած: Տեսուչները նշել են նաև, որ վերը նշված ավտոմոբիլի վարորդի իրավախախտումը լիովին եղել է իրենց տեսադաշտում, ակնհայտ, պարզ տեսանելի, քանի որ երթևեկել է իրենց հանդիպակաց ուղղությամբ, վարորդի կողմի պատուհանը եղել է իջեցված վիճակում և պարզ երևացել է, որ վարորդը երթևեկելիս օգտվում է բջջային հեռախոսակապից ձախ ձեռքի օգնությամբ:

2016թ. հունիսի 29-ին հեռախոսակապի միջոցով քաղ. Ա.Օրդուխանյանն իր դիմումի քննարկմանը մասնակցելու նպատակով հրավիրվել է ճանապարհային

նստիկանության ճՊԾ բաժին, սակայն վերջինս հայտնել է, որ իր դիմումին ավելացնելու ոչինչ չունի, խնդրել է հիմք ընդունել դիմումով ներկայացվածը և արդյունքների մասին հայտնել գրավոր:

Համաձայն «Ճանապարհային երթևեկության անվտանգության ապահովման մասին» ՀՀ օրենքի 17-րդ հոդվածի՝ ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե ակնհայտ կամ տեխնիկական միջոցների օգտագործմամբ երևում է, որ վարորդը խախտել է ճանապարհային երթևեկության կանոնների պահանջները: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջացնում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, կատարված ուսումնասիրություններով պարզվել է, որ Ա.Օրդուխանյանի արարքում առկա է Վարչական իրավախախտումների վերաբերյալ ՀՀ օրենսգրքի 124 հոդվածի 11-րդ մասով նախատեսված դեպքը, ուստի ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ա.Օրդուխանյանի դիմումը թողնել առանց բավարարման, իսկ ճանապարհային ոստիկանության ճՊԾ 1-ին սպայական գումարտակի 4-րդ սպայական դասակի տեսուչ ոստիկանության կապիտան Ա.Սախյանի կազմած ԱԹ թիվ 806582 վարչական իրավախախտման արձանագրության հիման վրա կայացրած 2016թ. մայիսի 25-ի որոշումը՝ Ա.Օրդուխանյանին հինգ հազար դրամ տուգանելու մասին՝ անփոփոխ:

2. Սույն որոշման օրինակներն ուղարկել ճանապարհային ոստիկանության ՊՀՎ բաժնի ՎԳ բաժանմունք և դիմումատուին:

Ե.Կարապետյան

